

KI GUIDELINES (KYNDON) NA KA BYNTA BAN PYNTREIKAM IA KA MAHATMA GANDHI BUNKER BIMA YOJANA (MGBBY HA KA XI FIVE YEAR PLAN (KATA NADUH U 2007-2008 HADUH U 2011 – 2012).

KA JINGSDANG:-

Ka Government ka India ka la sdang ia “ka Bunker Bima Yojana” ha U bnai nohprah, 2003 kaba dei lang bad ka Janshree Bima Yojana bad ka Add – On Group Insurance scheme bad la pyntreikam lyngba ka Life Insurance Corporation of India, naduh u snem 2005 – 2006, kane ka skim la pynbeit biang (revised) bad la pyntriekam da kaba ai kyrteng “Ka Mahatma Gandhi Bunker Yojana”.

Ha ka XI Plan ia Ka Mahatma Gandhi Bunker Yojana yn pyntreikam khnang ban kyntiew ia ka jingiohnong. Ka skim kan kdup kumba 6666665 ngut ki nongthainjain ha ki snem 2007-2008 haduh 2011 – 2012 kynthup ruh ia ka jingkhein ban pynthymmai ia ki case man la u snem.

KA JINGTHMU:-

Ka jingthmu ba kongsan jong “Ka Mahatma Gandhi Bunker Bima Yojana ka dei ban kyntiew ne pynroi ia ka jingbuh insurance kaba iarap ia ki nongthainjain kiba ia kynduh ha ka jingiap hi, kumjuh ruh ia ka jingiap kyndit ne aksident kaba ialam sha ka jingduna ha ki dkhot met bad bym lah shuh ban trei ei – ei ne ba mynsaw malu mala.

KI KYNDON HA KABA JIED IA KI NONGIOH IA KANE KA SCHEME :-

1. Ban ioh jingiarap na kane ka skim, ki nongthainjain ki dei ban don ia kine harum:-

- Ki nongthainjain kidei ban ioh 50% ka kamai jongki na kaba thainjain.
- Baroh ki nongthainjain, lada ki kynthei ne shynrang kiba ha ka karta ka ba 18 haduh 59 snem ki lah ban ioh jingiarap na kane ka skim kynthuplang ia ki rit paid, ki nongthainjain kynthei bad ki nongthainjain jong ka NER.
- Ki nongthainjain jong ki State Handloom Development Corporations / Apex / Primary Handloom Weaver’s Cooperative Societies ki kynthup lang ha kane ka skim. Ia ki nongthainjain ki bymdon ha ki cooperatives ruh lah ban iarap na kane ka skim halor ka certificate ba ai na ki State Directorate of Handlooms lada ka biang kat kum ki kyndon ha kane ka skim.
- Ka dei ka kamram jong ki State Director kiba dei peit bad ruh ka ICICI ban pynthikna ia ki nongthainjain kynthei, ki nongthainjain ki ba dei na ki ritpaid bad kiba na NER States (Ka Arunachal Pradesh, Assam, Manipur, Meghalaya, Mizoram, Nagaland, Tripura bad Sikkim), kin ioh ia ka jingiarap ba pura na kane ka skim.

KA RUKOM PYNIAID:-

Ka bor ba dei peit ia ki Handloom ha ka jylla kan pynbiang ia ka jingbuh Insurance jong ki nongthainjain ha ka Life Insurance corporation of India.

KI MAT BA DONKAM HA KA BA BUH INSURANCE:-

1. Ia ka skim la pyniaid da ka Life Insurace Corporation of India.
2. Ki bor pyniaid ia ki Handloom ha ki jylla kin pynbiang ia ka jingbuh insurance jong ki nongthainjain ha ka ophis jong ka Life Insurance Corporation of India.

KI JINGMYNTOI:-

Sl. No		Ki jingmyntoi naduh 1.10.07.
(i)	Ki ba iap hi	Rs.60,000/-
(ii)	Kiba iap kyndit	Rs.1,50,000/-
(iii)	Kiba anna lut ha ki dkhot met	Rs.1,50,000/-
(iv)	Kiba anna malu – mala	Rs.75,000/-

KA TYNGKA BA HAP SIEW:-

Ka jingsiew Insurance (Premium) ka long Rs.330/- man la uwei pa uwei u member bad kin hap siew kumne :-

Na ka Government of India	Rs.150/-
Naki nongthainjain	Rs.80/-
Na ka LIC	Rs.100/-
Ka jinglut kyllum	Rs.330/-

KA RUKOM TREI KABA DEI BAN BUD:-

1. Ia ka skim hap ban pynthymmai man la u snem bad ia ka jingbteng jong ka jingbuh kan long tang ia kito kiba la dep siew ia ka bad dei ban siew ha kapo ba pynthymmai ia ka : Ia ka jingsiew dei ban ai ia u nongthainjain tang shisien siew na ka bynta shisnem sha ka ophis jong ka Life Insurance Corporation of India. Ia kane ka skim la pyntrai naduh 1.10.2007.
2. Shisien ba la dep siew yn ym pynphai shuh.
3. Lah ban pynthymmai lut man la u snem. Ia ka jingbuh insurance la bteng tang haba la dep lut ban siew lut man la u snem, kata, na ka sorkar bad na ki nongthainjain. Namarkata, ka Life Insurance corporation kan pdiang beiti ia ki nongthainjain ha ka ba ki lah ban pyntrai kam noh ia ka insurance.
4. Ka ophis jong u State Director – In - charge of Handloom bad Textile bad ki ophis hapoh jong ka, ka dei ban pyniaid ia kane ka skim. Ki bor pyniaid ki dei ban peit lem ia ki kam kiba iadei bad ka insurance. Ka Life Insurance Corporation of India kam iashem bad ki State Directors – In – charge of Handlooms na ka bynta ban pynithuh ia ka skim ha ki nongthainjain ban pyndap ia ki form ba batai etc na ka bynta ban pynrung ia ki nongthainjain baroh hapoh jong kane ka scheme.

5. Ynda la dep jied ia U, U nongthainjain un hap pyndap ia ka form bad phah sha ki bor pyniaid ryngkat ka pisa jong u / ka, na ka bynta shisien siew, ia ki form kan phah ka Life Insurance Corporation sha ki bor pyniaid ym donkam medical certificate tang ban thoh hi ka la biang.
6. Haba la pdiang ia ki form, ki bor pyniaid kin khmih bniah ia ki bad lada ki la biang nadong shadong kin sa shim ia ka jingsiew insurance (premium) bad phah sha ka Life Insurance Corporation ryngkat ki list jong ki nongthainjain.
7. Haba ka Life Insurance Corporation kan ioh ia ka jingsiew ryngkat bad ka list jong ki nongthainjain, kan sa ai ia ki cards / certificates sha ki nongthainjain kiba don kyrteng ha ka list. Kin thoh ruh ia u bnai / tarik ba hap ban pynthymmai biang. Ia ki card dei ban thoh da ki ktien tynrai lajong. Kane kan iarap ia ki nongthainjain haka ban leit siew ia ka pisa na ka ophis jong ka Life Insurance Corporation.
8. Lada don ka jingiap ne jingpang u nongsaini kyrteng (nominee) ne uta u nongthainjain hi u dei ban phah ia ka jing uxor jong u / ka sha ka Life Insurance Corporation lyngba ka State Directorate ryngkat ki kot ki sla kiba biang kum ki Death Certificate / ki kot post mortem / medical certificate / ki discharge certificate bad kiwei – kiwei pat ki kot ki sla katba donkam. Ka State Directorate pat kan phah ia kine ki kot ki sla hapoh 15sngi, naduh ka tarik ba ioh ia ki. Ka Life Insurance Corporation pat kan sa siew noh hapoh shibnai naka tarik ba la ioh sha u / ka nongthainjain / nongshah ia kyrteng da kaba ai ia ki Account Payee Cheque (ryngkat ka phah jingtip sha ka Directorate).
9. Lada jia ba ki nongthainjain kim lah ban siew na ka bynta u snem u ban wan, ka insurance ka sahngheh hi noh. Hynrei lada ki kwah ban dang iai bteng biang ki lah ban leh kumta tang lada kin siew ia ka bai insurance.
10. Lada jia pat ba U nongthainjain u kynriah na ka Society ne Corporation sha kawei pat ha ka por ba u dang don ka insurance, U / Ka, kum u nongioh – nong na kane ka skim ia u dei ban da ia jingtip sha ki bor pyniaid.
11. Ka sorkar jylla bad ki State Handloom Corporation / Apex Primary Handloom Weavers Cooperative Societies / Unions / Associations ki dei ban shim khia ban trei lang ia kane ka skim da kaba pynsgewthuh ia ki nongthainjain ba kin pdiang ia kane ka skim lyngba ki advertisement ha ki kot khubor, radio, telebishon bad kiwei – kiwei.
12. Ki bor pyniaid ki dei ban phah ia ki report man la ka por da kaba bishar bniah ia ka jingsiew bad jingkut sha U Development Commissioner for Handloom, Ministry of Textiles.

KI JINGMYNTOI BYNRAP:-

1. Ka Mahatma Gandhi Bunker Bima Yojana ka iarap ban ai scholarship ia ki khun jong ki kkmie ki kpa ki don hapoh jong kane ka skim lyngba ka “Shiksha Sahyog Yojana”.
2. Ka Scholarship ka T300 na ka bynta 3 bnai yn ai ha u khynnah u ba pule ia ka klass IX haduh klass XII na ka bynta sawsnem kata haduh ba kin da lait ia ka klass XII. Ia ka scholarship yn ia man la u snem ha u bnai jylliew haduh u jymmang.

3. Yn ai ia kane ka scholarship tang haduh arngut ki khun jong ki ba ioh ia kane ka skim. Baroh arngut khlem da niew lada ki dei kynthei ne shynrang ki ioh ia kane ka skim.
4. Lada u khynnah u phail um ioh shuh ia kata scholarship ha uta u snem. Ia ki khun ki nongthainjain kiba ioh scholarship na kane ka skim Mahatma Gandhi Bunker Bima Yojana – Shiksha Shayog Yojana dei ban pyntip paidbah khnang ba kan long ka jingpynshlur ban shim iakane ka jingiakop bad kiwei pat.
5. Shisien ba u nongthainjain u la rung hapoh ka skim Mahatma Gandhi Bunker Bima Yojana, ym donkam shuh ban pynhsisha ia ka ioh ka kot ha ka por ba ki jied ban ioh ia kane ka skim.
6. Ki kmie ki kpa jong ki nongioh scholarship kim da donkam siew ne ki bor pyniaid ruh. Kane kadei ka jingiohnong bynrap jong ki khun ki nongthainjain kiba don hapoh ka Mahatma Gandhi Bunker Bima Yojana. Lada ki kmie pat kim siew ia ka bai insurance ha ki tarik ba la buh ban pynthymmai, ki khun jong ki kin ym ioh scholarship shuh.
7. La jied ia ka “Shiksha Sahayog Yojana” tang na ki member kiba ioh ia ka Mahatma Gandhi Bunker Bima Yojana. Bad la ia sam ia ka scholarship tang ha ki member ka Mahatma Gandhi Bunker Bima Yojana kat kum ka jingdon briew hapoh kata ka skim ha kata ka jylla. Ka jingjied khatduh kan long ia ki ba duk na ki ba duk tam, namar ba ka scholarship ruh ka kyndiat bad ym ju khein dei kynthei ne shynrang.
8. Ki member jong ka Mahatma Gandhi Bunker Bima Yojana kiba ki khun jong ki ki long kiba bit ban ioh scholarship kin pyndap ia ki applikeshon form (ki don bad ki bor pyniaid) bad phah ia ki sha ki bor pyniaid. Ia ki from ba la pyndap bad ba la khmih bniah ryngkat bad ka list ki khynnah dei ban phap sha ki bor pyniaid sha ka ophis ka Life Insurance Corporation of India bad ki GS unit. Khnang ba kin lah ban sam ia ki scholarship na ka programme “Shiksha Sahayog Yojana” (lyngba ki bor pyniaid).
9. Ka Life Insurance Corporation kan phah ia ki Account Payee Cheque ha ka kyrteng ka bor pyniaid ryngkat ka list ki khynnah skul bad ka bor pyniaid kan sam sha ki. Ki bor pyniaid kidei ban buh record bad phah ia ki utilization certificate man la ka por sha ka ophis Life Insurance Corporation PGs units.

KA JINGDAWA (HABA U NONGTHAIN U LA IAP):-

U nongioh pateng jong U nongthainjain uba la iap un hap ban phah ia ki original certificate sha ka bor pyniaid, ki pat kin pynkhreh ia ki kot ki sla kiba biang bad phah sha ka ophis Life Insurance Corporation, kata sha ka Branch kaba khein ia ka dor jong ka insurance. Ka Life Insurance Corporation pat kan sa siew da ka phah ia ki Account Payee Cheque, da kaba phah beit sha uta u briew, hynrei, ki dei ban pyntip sha ka sorkar jylla bad sha ka ophis u Development Commissioner for Handlooms. Ha ka jingjia, ba jia kyndit, die ban phah ia ka report ki pulit ruh. Dei ban bud bniah kat kum ka rukom pyniaid ka Special Security Group Schemes jong ka Life Insurance Coporation.

1. KABA PYLLAIT IA KA PISA:-

Na ka bynta ban pynllait ia ka pisa ka Life Insurance Corporation bad ka bor ba dei peit ia ki Handloom ha ka jylla ki dei ban khmih bniah ia ki nongthainjain ki ba dei ban ioh ia ka Mahatma Gandhi Bunker Bima Yojana. Ka ophis u Development Commissioner for Handlooms (D.C.H.L.) Government of India (G.O.I.) ha ka Ministry of Textiles kan pyllait ia la ka jong ka bynta jong ka jingsiew sha ka Life Insurance Corporation of India, bad kan khein katkum ki nongthainjain kiba ioh ia kane ka skim. Man ba ki kwahban pyllait ia ka pisa ki dei ban suklang bad ka jing thoh (claim) halor ka jing trei jong ka Insurance Company ha kaba ia dei bad ka jing dawa kanba phah bad ruh ia ka jingdawa ba la pynbiang.

2. Ia ka bynta ban siew da ka Central Government la phah beit sha Life Insurance Corporation.

KABA PYNIAID BAD BUH JINGKHEIN:-

1. Kaba pyniaid ban buh jingkhien ia ka jingkiew shaphrang jong ka skim dei ban leh da ka sorkar jylla, bad ka hap ban phah ia ka quarterly progress report (report shisien lai bnai) ha ka liang jong ka jingkhien khyllum (Physical) bad ka jinglut jingsep (financial) sha u Development Commissioner for Handlooms.
2. Ka Life Insurance Corporation kan pynlong ia ka meeting bad ki State Director / Commissioner In – Charge of Handlooms ryngkat ki Assistant Director, Handloom ha ki district level man la ka taiew baa r jong u bnai khnang ba ki lah ban pyrkhath ia ka jingpyntrei kam ia ka Mahatma Gandhi Bunker Bima Yojana scheme. Ka Life Insurance Corporation kan sa pynkhreh lypa ia ki jingkhein kiba iadei bad kata ka jylla.
3. Ka ophis u Development Commissioner of Handlooms kan pyniaid ia ka jingkiew shaphrang lyngba ki tnad treikam bapher jong ka da kaba pynlong meeting bad ka jylla ryngkat ka Life Insurance Corporation na ka por sha ka por.
4. Ia kane ka skim kin sa ai jingkhien ha ka por shiteng samoi jong ka XI Plan.

(B. K. Sinha)
Development Commissioner (Handlooms)
Tele – 23062945 & 23063684.
